

Das wir nun diß alles in einem guten vnd feinen Herzen mögen wol behalten / vnd recht gebrauchen / Christum vnsern Immanuel vnd Seligmacher für den Heyland erkennen / der dem Tode eine Gifft / vnd der Hellen etne Pestilenz ist worden / vnd diesen Feinden alle ihre Macht genommen hat / vnd derowegen vns dessen in allen Nöthen / ja mitten in Krauckheiten / vnd im Tode / von Herzen trösten. Auch / auff daß dieser Trost bey vns recht möge Frucht bringen / als Brüder Christi vns verhalten / vnd ob wir gleich denselben nicht mit leblichen Augen sehen / doch mit gläubigem Herzen fest fassen. Dazu wolle euch vnd mir / vnd alle die es von Herzen wünschen vnd begeren / verhelffen / Gott Vater / Sohn vnd H. Geist / ein hochgelobter Gott von nun an bis in Ewigkeit / Amen / HERR IESU Christe / AMEN.

Habebatur  
16. Aprilis  
Anno 1613.  
ante merid.

## Die sechszehende Predigt des güldenen A. B. C. der fürnehm- sten Nahmen I E S V.

Aus dem Propheten Jeremia am 2. Cap. v 13.

**W** Ein Volck thut eine zwiefache Sünde: Mich die lebendige Quelle verlassen sie / vnd machen ihnen hie vnd da außgehauene Brunnen / die doch löcherich sind / vnd kein Wasser geben.

### Außlegung.

**I**hr lesen / meine Geliebten vnd Außersuehlten in Christo dem HERRN / Joh. 17. daß Christus vnser Heyland spricht also: Das ist das ewige Leben / daß sie dich / O Vater / daß du allein wahrer Gott bist / vnd den du gesand hast / IESUM Christum

erkennen.

In